

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Rituale Sive Obsequiale Ecclesiae Et Dioecesis Constantiensis

Constantiae, 1686

Obsequiale ecclesiae, et dioecesis constantiensis, [...] Exorcismvs salis et
aqvae in singulis diebus dominicis. [...]

[urn:nbn:de:bsz:31-132849](https://nbn-resolving.org/urn:nbn:de:bsz:31-132849)



OBSEQUIALE

ECCLESIAE,

ET

DIOECESIS

CONSTANTIENSIS.

IVSSV ILLVSTRISSI-
MI ET REVERENDISSIMI
DOMINI D. FRANCISCI JOANNIS DEI

Et Apostolicæ Sedis Gratia Episcopi Constantiensis,
Domini Augiæ majoris, & Oenin-
gæ, &c. editum.

EXORCISMVS SALIS ET
AQVÆ IN SINGULIS DIE-
bus Dominicis.

Primò procedat Sacerdos, in habitu Sacer-
dotali, cum stola ad locum solitum, ubi præpa-
rata sit aqua munda cum sale, & dicat se **✝** fi-
gnando,

A

Adju-

Adjutorium nostrum in nomine Domini,
Qui fecit cœlum & terram.



EXorcizo te creatura salis per Deum ✠ vivum : per Deum ✠ verum : per Deum ✠ sanctum : per Deum , qui te per Elisæum Prophetam in aquam mitti iussit , ut sanaretur sterilitas aquæ , ut efficiaris sal exorcizatum in salutem credentium , & sis omnibus te sumentibus sanitas animæ & corporis ; & effugiat atque discedat à loco , in quo aspersum fueris , omnis phantasia & nequitia , vel versutia diabolicæ fraudis , omnisque spiritus immundus adjuratus ; Per eum , qui venturus est judicare vivos & mortuos , & sæculum per ignem.

Benedictio Salis. Dominus vobiscum.

Oramus.



Mmensam clementiam tuam , omnipotens æterne Deus , humiliter imploramus , ut hanc creaturam Salis , quam in usum humani generis tribuisti , bene ✠ dicere & sancti ✠ ficare tua pietate digneris , ut sit

omni-

Exorcismus Salis & Aquæ.

3

omnibus sumentibus salus mentis & corporis, & quidquid ex eo tactum vel respersum fuerit, careat omni immunditia, omniq̄ue impugnatione spiritualis nequitia. Per Dominum nostrum IESUM Christum Filium tuum, &c.

EXORCISMUS AQUÆ.

Advertat hîc Sacerdos à Paschate usque ad Pentecosten non exorcisari aquam, cum adsit aqua in vigilia Paschatis, & Pentecostes exorcisata: Cum verò non habetur ejusmodi aqua, tunc exorcisatur.

EXorcizo te creatura aquæ in nomine Dei ✠ Patris omnipotentis: & in nomine IESU ✠ Christi Filij ejus Domini nostri: & in virtute Spiritus ✠ sancti: ut fias aqua exorcizata, ad effugandam omnem potestatem inimici, & ipsum inimicum eradicare, & explantare valeas, cum angelis suis apostaticis; Per virtutem ejusdem Domini nostri IESU Christi, qui venturus est judicare vivos & mortuos & sæculum per ignem.

A 2

O re-

Oremus.

DEus, qui ad salutem humani generis maxima quæque Sacramenta, in aquarum substantia condidisti, adesto propitius invocationibus nostris: & huic elemento multimodis purificationibus præparato, virtutem tuæ bene **✠** dictionis infunde; ut creatura mysterijs tuis serviens, ad abigendos Dæmones, morbosque pellendos divinæ gratiæ sumat effectum, ut quicquid in domibus, vel in locis fidelium, hæc unda resperferit, careat omni immunditia, liberetur à noxa, non illic resideat spiritus pestilens, non aura corrumpens, discedant omnes insidiæ latentis inimici, & si quid est, quod aut incolumitati habitantium invidet aut quieti, asperione hujus aquæ effugiat, ut salubritas per invocationem tui nominis expetita, ab omnibus sit impugnationibus defensa. Per Dominum nostrum IESUM Christum Filium tuum. Qui tecum, &c.

Hic ter mittat Sal in aquam per modum crucis dicens semel.

Commixtio Salis & Aquæ pariter fiat in nomine Patris, **✠** & Filij, **✠** & Spiritus: **✠** S. Amen.

Bene-

Benedictio amborum. Dominus vobiscum.
Oremus.

DEus invictæ virtutis auctor, & insuperabilis imperij Rex, atque semper magnificus triumphator, qui adversæ dominationis vires reprimis, qui inimici rugientis fævitiam superas, qui hostiles nequitas potenter expungas; Te Domine trementes & supplices deprecamur, ac petimus, ut hanc creaturam Salis & Aquæ dignanter aspicias, benignus illustres, pietatis tuæ rore sanctifices, ut ubicunq; aspersa fuerit, per invocationem sancti nominis tui, omnis infestatio immundi spiritus abigatur, terrorq; venenosi serpentis procul pellatur, & præsentia sancti Spiritus nobis misericordiam tuam poscentibus ubique adesse dignetur. Per Dominum nostrum, &c. in unitate ejusdem spiritus, &c. **Pax & benedictio Dei Patris, & Filij, & Spiritus sancti, descendat super hanc creaturam Salis & Aquæ.**

Tunc aspergat seipsum & alios, & Chorus incipiat. Antiphonam.

Asperges me Domine, &c. *ψ.* Miserere mei Deus. **A**sperges. **G**loria Patri. *ψ.* Domine apud te est fons vitæ. *℞.* Et in lumine tuo videbimus lumen.

Oremus.

Præsta quæsumus Domine, per hanc aspersionem aquæ sanitatem mentis, integritatem corporis, tutelam salutis, securitatem spei, corroborationem fidei, hic & in æterna sæculorum sæcula, Amen.

Alia Oratio.

Exaudi nos, sancte Pater, omnipotens æterne Deus, & mittere digneris sanctum Angelum tuum de cœlis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum, &c.

Tempore Paschali ad aspersionem aquæ benedictæ pro Antiphona. **A**sperges me Domine, &c. **Cantatur hæc sæquens Antiphona.** **V**idi aquam egredientem de templo, &c. **Item.** **Cum Rex gloriæ Christus.** **Cum Hymno.** **S**alve festa dies. **In festis Pentecostes, subjungitur ista oratio.** Sancti Spiritus, quæsumus Domine,

ne,

ne, corda nostramundet infusio, & sui roris in-
tima asperione fecundet. Per Dominum no-
strum IESUM, &c, eiusdem Spiritus, &c.

**EXORCISMUS SALIS PRO BAPTIZAN-
dis infantibus, quod ad hunc tantum u-
sum, & nullum alium deservire
debet.**

Sacerdos se ✠ signando dicat.

Adjutorium nostrum in nomine Domini.

Qui fecit cœlum & terram.

Sit nomen Domini Benedictum.

Ex hoc nunc & usque in sæculum.

EXorcizote, creatura Salis, in nomine Dei
Patris omni ✠ potentis, & in charitate
Domini nostri IESU ✠ Christi, & in vir-
tute Spiritus ✠ Sancti. Exorcizo te per Deum
✠ vivum, per Deum ✠ verum, per Deum ✠
sanctum, per Deum, qui te ad tutelam huma-
ni generis procreavit, & populo venienti ad cre-
dulitatem, per servos suos consecrari præcepit,
ut in nomine sanctæ Trinitatis efficiaris saluta-
re Sacramentum ad effugandum inimicum.

Pro-

Benedictio fontis.

Proinde rogamus te, Domine Deus noster, ut hanc creaturam Salis sanctificando sancti ✠ fices, benedicendo bene ✠ dicas, ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi. Qui venturus est judicare vivos & mortuos, & sæculum per ignem.

BENEDICTIO FONTIS, SI NON fuerit Benedictus, vel ubi non habetur Baptisterium.

EXorcizo te creatura aquæ, in nomine Dei Patris ✠ omnipotentis, & in charitate Jesu Christi ✠ Filij ejus, & in virtute Spiritus ✠ sancti, & si quod phantasma, si quæ virtus inimici, si quæ incurfio Diaboli lates, præcipio tibi, eradicare, & effugare ab hac creatura aquæ, ut qui in ipsa baptizandi erunt, fiat eis fons aquæ salientis in vitam æternam, regenerans eos DEO Patri, & Filio, & Spiritui Sancto, in nomine ejusdem Domini nostri JESU Christi, qui venturus est judicare vivos & mortuos, & sæculum per ignem.

Amen.

Ore-